

دائرة مخصوصه

در سعادتده باب عالی جوارنده

محل اداره :

مشرط افق

اخطار :

مسلكمزه موافق آثار جديده مع المنوئيه
قبول اولنور

درج ايضله بن آثار اعاده اولنور

ديده، فلسفه، علوم، حقوق، ادبيات و سياستنامه و باطلاحه كرك سياسي او كرك اجتماعي و مردمی احوال و مشوره اسلاميه در بحث ايد و هفته ده بر نشر اولنور.

آبونه بدلی

صاحب و مؤسسلری :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب

سنه لکی التي آیلنی

ممالک عثمانیه ایچون	۸۰	۴۰	غروش
روسیه	»	۶۰۵	۳۰۵ روبله
سائر ممالک اجنبیه	»	۱۷	۹ فرانق

تاریخ تأسیسی

۱۰ تموز ۳۲۴

قیرلمه دن مقوا بورو ایله کوندریلیرسه سنوی
۲۰ غروش فضله آلنیر

عدد : ۶۲

۲۷ شوال ۳۲۷ پنجشنبه ۲۹ اشرفین اول ۳۲۵

اوچینچی جلد

عالم اسلام

روسیه مسلمانلری

روسی معارف نظارتی

۶۱ دن مابعد

بوراده معارف نظارتی برکھانتفروشلق ایدیور . دیور که :
« بونلره تعلیم عمومی قبول ایتدرمک دها اون سنه دن اول ممکن
اوله من » عیبا اون سنه دن صکره ممکن اوله جغنی ، دیگر بر فقرده ده
سویلدیکمز کی اون سنه دن صکره یوطلمیه قابن برحاله کله جککرینی
نره دن آکلامش ؟

اگر اسلاملر آره سنده تأسس ایدن میسیونر مکتبلرینه حسن ظنده
بوله رق صانکه آنلر برایش کوریور ، کوندن کونه اسلاملری
روسلاشمایه . یقلاشدریور زعمنده ایسه پک آلدانیور . امین اولمی ، که
اسلامیت ترککک لازم غیرمفارقیدر . بر ترک چوجنی دنیا به طوغدینی
وقت نصلکه ترک اوله رق یشامق و ترک اوله رق اولمک ایچون طوغیورسه
اسلام اوله رق یشامق اسلام اوله رق اولمک ایچون طوغیور .

[کرچه میسیونرلر پاره قوتیلر بر ایکی سرسرینک تنصیرینه
موفق اولسه لرده ، بونک خرستیانی سرسرینک النده پاره بته نه
قدردر . حریفک النده یارده سی بته نه همان خرستیانی ترک ایدرک
کنه اسکی مذهبه عودت ایدیور . یاخود دها فضله جه پاره قایمق
خولیا سنه دوشیور . ذاتا بونک بویله اولدینی برقاچ دفعه کورلدی .]
فقط حکومت کنه آلدیریور ، اسکی مسلاک سقیمنده دوام
ایدیور . لیکن حقیقت حالی آکلامه یده چوقدن وقت کلشیدی .
ذاتا مدھش ایوانک کرھا خرستیان یایدینی اولاد ترکک بو کونلرده
کندیلرینک دکل ، بابالرینک ده دکل ، حتی اجداد اجدادینک
اسلام اولمق حسیله حریت دینی نك اعلانندن بالاستفاده فوج فوج
اسلامه عودتلی آکلایانلره بیوک بر درس عبرتدر .

دیمک اسلامیت بر قلبه حقیقه یرلشورسه کندینک دکل ، حتی
اولادینک اولادینک اولادینک قلبندن چیقماسی قابل دکلدر . بناء علیه
نیجه عصردن بری خرستیان بیورغنده طوتان قاردشلیرمزی حقیقی
خرستیان یایه مدینی حالده اسلامیتدن برلظه آیرلیان بزلی نصل
روسلاشدریور بیلور ؟ طوغروسی بونکچون یورولان ذهنلره ،
میلیونلرجه صرف اولنان آلتونلره جدا آجیرز .

مع مافیه روسلرک بو قدرده خیالپرست اولدقلمزنی هیچ بروقت
ایسته میز . انسان خیالنه قدر قابلورسه ایشنده او قدر انتظام غائب
اولور . ایشنده انتظام تقدرا غائب اولورسه غوائلده اونستده معروض
قالور . بناء علیه معارف نظارتی اگر مملکتک سعادتنی دوشونه رکدن

بو تعلیم عمومی بی تطبیق ایتک ایسترسه اول باول طساتلی خیالزندن
وازچکماسی لازم کلور . بو خیالات اوروجک یوانسی کی قوزولدقندن
صکره استثنایده محل قالماز ، تعلیم عمومی بتون روسیه ده تطبیق
اولوب عموم ملت بر سعادت ایچورسنده قالور .

دائرة زراعیه یه فنا کوز ایله باقمق مسئله سنه کلنجه : دائرة زراعیه
کویلدیرک کندی پاره لرله حصوله کله رک کندیلرینه معاونت ایچون
یاپاش بر دائرة در . عیبا انسان کندی پاره سیله کندی فائده سنه
یاپاش برشیته فنا کوزایله بقارمی ؟ عیبا بونی هانکی بر عقل تصوریادر ؟
اگر معارف نظارتک قورقیدینی شی بو ایسه چاره سنی بولمق
پک قولاید . مع مافیه معارف نظارتک تلاشنده حق ویررز .
واقما بعض کویلدده دائرة زراعیه یه فنا کوز ایله باقمق ، حتی بونک
شریعته مخالف اولدیغه دائر بزم یکرمنجی عصرک فتوی قوجیلری
طرفندن چار چابوق فتوالرده ویرلشیدی . فقط بونک بویله اولماسی
دائرة زراعیه نك کهنه مطلع اولمادقلمزنی ودها طوغریسی اهالی
مسلمه حکومتک هر یایدینی ایشه بد بینانه باقه لرندن ایلری کلیور .
حقلمزده واریا ! انکار ایدیلر من . زیرا حکومت اهالی مسلمه آره سنه
نه کی برشی یاپارسه مطلقا او یایدینی شیدن برنجی مقصدی روسلاشدرمق
اولیور . ایشته بوندن اورکمش ، دها طوغریسی بیقمش اهالی دائرة
زراعیه تشکیل اولنور اولنماز . بونی بر مسیونرلک طوزاغی دیه
آکلادیلر . بناء علیه اهالی دائرة زراعیه نك نه دن عبارت ایدوکنی
کوزلر ، آکلامه لرله فنا کوز ایله باقمق قورقوسی مندفع اولیور .
آنکچون بو ، تعلیم عمومی بی اسلاملرده تطبیق ایتامک ایچون بر
سبب تشکیل ایتش ایسه پک چوروک بر سیدر .

معارف نظارتک روسیه اسلاملرینه بردانه سی بیله یازی بیلمه یین
ملت دیه سی لزومندن فضله بر مبالغه در . ذاتا تقدیر مکتبلره و مدرسه لره
مالک اولدقلمز میدانده در .

اسلاملر مکتبه کیرمک ایستمیورلر ، معارفه رغبتلی یوق
دیهمه سی ده صرف افترا و محض کذبدر . عیبا شو تحصیل معارف
ایچون دکل ایدی : اوچر آی دوه اوزرنده یورویه رک بخارا ، سمرقند
شهرلرینه کیتملری ، عیبا بو کونده محضا شو تحصیل معارف ایچون
مصرده ، عربستانده ، استانبول خانلرنده بیکلرجه ، طلبة اسلامک
یوارلانیدیغنی کیم انکار ایدر . روس مکتبه کیرمه رغبتلی یوقسه
آنک سببی باشقه برشی دیه بیلمه لی ، که اوده یوقاروده ذکر ایتدیکمز
مسیونر قورقوسی در . روس مکتبلری مسیونرلرک اجرای نفوذندن
قورتلورسه امین اولمی ، که روسلر کندیلری ایچون مکتبلرنده
یرده بوله میه جقلمز .

هامش : تعلیم عمومی بی اسلاملرک نه صورتده قبول ایده بیله جککرینی
انشاء الله کله جک نومره لرک برنده یازارز .